



Udruženje Komora magistara farmacije u FBiH
Komora magistara farmacije TK
Komora magistara farmacije KS

Za: Ministarstvo zdravstva Federacije BiH

Za: Federalna uprava za inspekcijske poslove

Za: Kantonalne uprave za inspekcijske poslove

Predmet: Inspekcijski nadzor i kontrola apoteka u kriznim situacijama

Poštovani,

U ovoj kriznoj zdravstvenoj situaciji koja je obuhvatila cijeli svijet, kao i našu zemlju, prinuđeni smo obratiti vam se u ime svih magistara farmacije, farmaceutskih tehničara i administrativnih radnika po apotekama u cijeloj Federaciji BiH.

Naime, kao zdravstveni radnici, najviše smo izloženi rizicima i opasnostima od infekcije, a zbog krizne situacije moramo raditi mnogo više nego u normalnom okolnostima.

Nalazimo se pod velikim stresom zbog nestrpljivih pacijenata i nerazumijevanja od strane korisnika naših usluga kada nestane određene vrste artikala.

Umjesto pohvale i priznanja za nadljudske napore koje ulažemo, najviše nas pogađa da smo, pored svega gore navedenog, izloženi nemoralnoj propagandi i napadima na društvenim mrežama i pojedinim medijima.

Razlog našeg obraćanja je da su, od početka događaja do danas, sve naše apoteke predmet kontrole vaših inspektora, što uopšte nije sporno ni u normalnim ni u kriznim situacijama. Međutim, da kompletan teret inspekcijskih nadzora u apotekama treba da trpe farmaceuti koji su svakako prva linija otpora u odbrani protiv pandemije Korona virusa, zaista nije korektno.

Ovom prilikom vas molimo sljedeće:

- Prilikom kontrole želimo da se uzme u obzir nabavna cijena artikala na koju apoteka ne može uticati i koja, naravno, ima uticaj na krajnju cijenu za potrošače
- Da kontrola bude brza i da ne oduzima puno vremena, jer je činjenica da u ovoj kriznoj situaciji nemamo viška vremena koje potrošimo preko 2-3 sata dnevno za jednu inspekciju

UKMF



UDRUŽENJE KOMORA MAGISTARA FARMACIJE

Ul. Vilsonovo šetalište broj 10
71 000 Sarajevo

udruzenjekmf@gmail.com
www.farmaceutibih.ba

- Da kontrola u ovim situacijama bude ciljana na najvažnije aspekte rada, a da zanemari sitne detalje kao što su nedostatak knjige žalbi, naljepnica uvoznika na naočalama i slično

Nadamo se da će ovaj dopis odnosno molba naći sluha kod odgovornih ljudi u vašim službama i da ćete imati razumijevanja za stresnu situaciju koju naši farmaceuti doživljavaju sa svih strana. Naš zajednički cilj je da radimo što kvalitetnije i da zajedno prebrodimo ovo krizno stanje.

S poštovanjem,



Ilda Ljubijankić

Predsjednica UKMF, mr.ph.Ilda Ljubijankić